

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆԻ

«----» հոկտեմբերի 2016թ.

N---Ա

ՈՐՈՇՈՒՄ

ԵՐԵՎԱՆ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ

Ղեկավարվելով Հայաստանի Հանրապետության քաղաքացիական օրենսգրքի 34-րդ գլխի կանոններով, Երևան քաղաքի ավագանու 2015 թվականի դեկտեմբերի 23-ի «Երևան քաղաքի սեփականություն համարվող գույքն օգտագործման տրամադրելու և օտարման 2016 թվականի ծրագրի վերաբերյալ» հ.451-Ն որոշման հավելվածի 3-րդ կետով՝

Երևան քաղաքի ավագանին որոշում է.

1. Թույլատրել Երևանի քաղաքապետին՝ Երևան համայնքի սեփականությունը համարվող Շինարարների փողոցի հ.6/1 շենքի հ.50՝ 72.8 քմ մակերեսով բնակարանը (անշարժ գույքի նկատմամբ իրավունքների պետական գրանցման հ.27102015-01-0125 վկայական) սեփականության իրավունքով անհատույց օտարել (նվիրել) Մարիետա Մակարյանին:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ-ՀԻՄՆԱՎՈՐՈՒՄ

«ԵՐԵՎԱՆ ՀԱՄԱՅՆՔԻ ՄԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՄԱՍԻՆ

Ներկայացվող նախագծով նախատեսվում է Շինարարների փողոցի հ.6/1 շենքի հ.50՝ 72.8 քմ մակերեսով բնակարանը սեփականության իրավունքով անհատույց օտարել (նվիրել) Մարիետա Մակարյանին:

Մարիետա Մակարյանը ծնվել է Երևան քաղաքում՝ մտավորականների ընտանիքում: 1968 թվականին սովորել է Երևանի գեղարվեստաթատերական ինստիտուտի դերասանական ֆակուլտետում և այնտեղ աշխատել շուրջ 33 տարի: Ուսման հետ միաժամանակ ավարտել է «Հեռուստադպրոց»-ի դասընթացները և ստացել հեռուստատեսային ռեժիսորի որակավորում: Հեռուստաթատրոնում տասնամյակների ընթացքում մասնակցել է բազմաթիվ բեմադրությունների, որոնցից անձամբ իր՝ որպես ռեժիսորի բեմադրությունները մինչ օրս պահպանվել են հեռուստատեսության «Ոսկե ֆոնդ»-ում: Շուրջ 27 տարի եղել է Քվեբեկի պետական հեռուստատեսության հայկական «Արեմենօռամա» հեռուստաժամի թղթակիցն ու մեկնաբանը, Կանադայում լույս տեսնող «Ապագայ», Բեյրութի «Զարթոնք», «Ազգակ» և «Կամար» պարբերականների թղթակիցը: Որպես լրագրող աշխատել է «Ազգ» օրաթերթում և լուսաբանել 6 տարբեր բնագավառների աշխատանքները: Աշխատել է տարբեր հիմնադրամներում՝ որպես հասարակայնության հետ կապերի պատասխանատու:

Արցախյան պատերազմի օրերին, հավաքագրել է զոհված և հաշմանդամ դարձած ազատամարտիկների շնորհալի երեխաներին, հիմնել «Ազատամարտիկ» համույթը և համերգներով հանդես եկել ՀՀ և ԼՂՀ զորամասերում, խրամատներում և հիվանդանոցներում, որտեղ ապաքինվում էին վիրավոր ազատամարտիկները:

Պարգևատրվել է բազմաթիվ մեդալներով, պատվոգրերով և շնորհակալագրերով:

Մարիետա Մակարյանը այրի է, ունի երկու զավակ, որոնք ունեն իրենց ընտանիքները և բոլորը միասին բնակվում են Նոր Նորքի 4-րդ միկրոշրջանի 1-ին հատվածի հ.23 շենքի հ.7 հասցեում գտնվող մեկ սենյականոց բնակարանում և, ցավոք, ունեն բնակարանային պայմանների խիստ կարիքավորություն:

Հաշվի առնելով նրա անցած ուղին, ունեցած ներդրումը մշակույթի, լրատվության ոլորտում և ազգանպաստ գործունեությունը, ինչպես նաև բնակարանային պայմանների բարելավման անհրաժեշտությունը, ստեղծագործելու համար պայմաններ ապահովելու նպատակով մշակվել է ավագանու որոշման սույն նախագիծը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ԵՐԵՎԱՆ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ
ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ
ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՍ
ԲԱՑԱԿԱՑՈՒԹՅԱՆ ՄԱՍԻՆ**

Երևան քաղաքի ավագանու «Երևան համայնքի սեփականություն համարվող բնակարանն
անհատույց օտարելու մասին» որոշման նախագծի ընդունման առնչությամբ այլ իրավական
ակտերի ընդունման անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ԵՐԵՎԱՆ ՀԱՄԱՅՆՔԻ ՄԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ
ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ
ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ ԵԿԱՍՈՒՏՆԵՐՈՒՄ ԵՎ ԾԱԽՍԵՐՈՒՄ
ՄՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ**

Երևան քաղաքի ավագանու «Երևան համայնքի սեփականություն համարվող բնակարանն
անհատույց օտարելու մասին» որոշման նախագծի ընդունման կապակցությամբ Երևանի
բյուջեի եկամուտներում և ծախսերում փոփոխություններ չի առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ